



Selskapsavtale

Gjeldande frå 01.01.2024



Raus og ryddig

IKA
HORDALAND

Innhald

§1 Selskapet.....	3
§2 Føremål.....	3
§3 Eigarane sitt årlege tilskot (eigartilskot)	3
§ 4 Eigarar, eigardel og ansvarsdel.....	3
§ 5 Nye eigarar	4
§ 6 Representantskapet	4
§ 7 Valnemnd	4
§ 8 Styret	4
§ 9 Dagleg leiar	4
§ 10. Rekneskap.....	4
§ 11 Opptak av lån og leigeavtalar	4
§ 12 Endringar av selskapsavtale	5
§ 13 Uttreden	5
§ 14 Tvistar	5
§ 15 Anna.....	5
§ 16 Ikrafttreden	5

§1 Selskapet

Interkommunalt arkiv i Hordaland IKS er eit interkommunalt selskap som er oppretta med heimel i lov om interkommunale selskap av 29.01.1999. nr. 6

Selskapet sitt føretaksnamn skal vere Interkommunalt arkiv i Hordaland IKS og hovudkontoret skal vere i Bergen.

§2 Føremål

1. Selskapet sitt hovudføremål er å legge forholda til rette for eigarane si rasjonelle, funksjonsdyktige og effektive gjennomføring av arkivlova sine intensjonar og føresegrer.
2. Selskapet skal etter avtale med den enkelte eigar kunne fungere som arkivdepot for eigarane sine arkiv. Tenestene skal vere regulert gjennom eigne tenesteavtalar.
3. Selskapet kan tilby faglege tenester som eigarane skal betale for, etter satsar vedtekne av styret. Dette skal vere tenester eigarane har ulik etterspurnad etter, og eller som ikkje vert tilbydd til alle eigarar. Tenestene skal vere regulert gjennom eigne tenesteavtalar.
4. Selskapet kan fungere som ein regional arkivinstitusjon med funksjonar knytt til samla samfunnsdokumentasjon. Tenester knytt til dette, skal vere regulert i eigen tenesteavtale.
5. Selskapet kan delta i faglege samarbeid og eller selje kompetanse og arkivtenester til andre enn eigarane så lenge dette ikkje går ut over hovudføremålet.

§3 Eigarane sitt årlege tilskot (eigartilskot)

Eigarane betaler årleg inn tilskot til drift av selskapet i samsvar med vedtak i representantskapet. Eigartilskotet vert utrekna frå eit grunnbeløp samt eit eige kronebeløp pr. innbyggjar fastsett av representantskapet.

§ 4 Eigarar, eigardel og ansvarsdel

Selskapet har 24 eigarar. Eigardelane er utrekna i prosent med ein desimal. Eigardelen vert utrekna frå eigaren sitt tilskot det året selskapsavtalen trer i kraft. Eigardelane svarar til ansvarsdelen.

Kommune	Eigardel %	Kommune	Eigardel %
Alver kommune	6,0	Masfjorden kommune	3,4
Askøy kommune	6,0	Modalen kommune	3,2
Austevoll kommune	3,7	Osterøy kommune	4,0
Austrheim kommune	3,5	Samnanger kommune	3,4
Bjørnafjorden kommune	5,6	Stord kommune	5,0
Bømlo kommune	4,3	Sveio kommune	3,7
Eidfjord kommune	3,3	Tysnes kommune	3,5
Etne kommune	3,6	Ullensvang kommune	4,2
Fedje kommune	3,3	Ulvik herad	3,3
Fitjar kommune	3,5	Vaksdal kommune	3,6
Kvam herad	4,0	Voss herad	4,7
Kvinnherad kommune	4,4	Øygarden kommune	6,9
			100 %

§ 5 Nye eigarar

Ein ny eigar tek på seg samme forplikingar for selskapet som eksisterande eigarar og vil være bunde av alle tidlegare vedtak og beslutningar som selskapet har fatta.

I tillegg til det faste eigartilskotet skildra i § 3, betalar ny eigar eit innskot tilsvarande 50% av det årlege eigartilskotet.

§ 6 Representantskapet

Eigarane utøver mynde gjennom representantskapet. Representantskapet skal bestå av eit medlem, frå kvar eigar. Kvart medlem har éi stemme.

Representantskapet sine medlemmer vert vald for fire år og den enkelte eigar kan foreta nyval av sine representantskapsmedlemmer i valperioden. Representantskapet vel sin leiar og nestleiar.

§ 7 Valnemnd

Selskapet skal ha ei valnemnd på minimum tre medlemmer. Representantskapet fastset elles talet på faste medlemmer. Valnemnda vert vald for fire år av gongen.

Representantskapet vedtek instruks for valnemnda.

§ 8 Styret

Styret skal oppnemnst av representantskapet og skal ha minimum tre og maksimum åtte faste medlemmer og tre numeriske varamedlemmer.

Representantskapet vedtek styret sine instruksar.

Ein representant for dei tilsette har møte og talerett i styret jf. kommunelova § 13-4.

§ 9 Dagleg leiar

Styret tilset dagleg leiar og fastset vedkommande sine tilsetjingsvilkår. Styret skal utarbeide instruks for dagleg leiar.

Selskapet sitt firma teiknast av styreleiar og dagleg leiar i fellesskap.

Dagleg leiar har prokura åleine innanfor vedteken budsjettamme.

§ 10. Rekneskap

Regnskap skal gjevast i tråd med IKS loven § 27.

§ 11 Opptak av lån og leigeavtalar

Selskapet kan ta opp lån innanfor en samla låneramme på 15 millionar norske kroner.

Om låneopptak føreset garanti frå eigarane, fordrar dette vedtak i det enkelte kommunestyre.

Avtalar om leige av varige driftsmidlar som påfører selskapet utgifter ut over dei dei neste fire budsjettåra, skal vedtakast av representantskapet.

§ 12 Endringar av selskapsavtale

Forslag til endring av selskapsavtalen kan fremjast skriftleg av styret, representantskapet eller ein/fleire av eigarane. Forslag til endringar vert handsama i samsvar med IKS-lova § 4.

§ 13 Uttreden

Den enkelte eigar kan med eit års skriftleg varsel sei opp si deltaking i selskapet. Oppseiingstida startar frå 31.12 det året oppseiinga vert levert.

Forplikingar i form av garanti for lån og anna, skal innfriast innan 1.1. i etterkant av uttreden.

§ 14 Tvistar

Tvist om tolking av selskapsavtalen, fordeling av utgifter, det økonomiske oppgjeret etter uttreden eller oppløysning, skal søkjast løyst i minnelegheit eventuelt reisast for dei ordinere domstolane.

§ 15 Anna

Styret vedtar tenesteavtaler for eigarane.

Forhold som ikkje er regulert i denne selskapsavtalen, vert regulert av til ei kvar tid gjeldene Lov om interkommunale selskap (IKS-lova)

§ 16 Ikrafttreden

Selskapsavtala trer i kraft 1.1.2024 eller så snart alle eigarane har vedtatte avtala i øvste politiske organ.